

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Centar - Prečišćeni tekst ("Službene novine Kantona Sarajevo", broj 23/04), načelnik Općine Centar, dana 02.03.2016. godine, verificovao je i donio

ODLUKU

O KOREKCIJI REGULACIONOG PLANA "BREKA"

Član 1.

Usvaja se korekcija Regulacionog plana "BREKA" (u daljem tekstu: korekcija Plana).

Član 2.

Korekcija plana se odnosi na stvaranje uvjeta za izgradnju stambenog objekta maksimalnih dimenzija 14,5 m x 15,5 m i spratnosti SPI, na parceli k.č. 1084/1, 1080/1 i 1087/1 K.O. Sarajevo V. U tu svrhu, izmijenjena je geodetska podloga gdje je unijeta servisna saobraćajnica nastala nakon usvajanja planske dokumentacije, te izmijenjene parcele S12 i S13, od kojih je nastala parcela S13, na kojoj je omogućena nova gradnja, kako je prikazano na grafičkom prilogu br. 2.

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije, kao i analitička obrada parcele.

Tekstualni dio i grafički prilozi korekcije Plana su sastavni dio Regulacionog plana "BREKA" ("Službene novine Kantona Sarajevo", broj 34/11).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "BREKA", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave i Ministarstva prostornog uređenja i zaštite okoliša Kantona Sarajevo.

Član 6.

Ova odluka stupa na snagu narednog dana od dana objavljivanja na oglasnoj ploči, a naknadno će biti objavljena u "Službenim novinama Kantona Sarajevo".

Broj 07-23-2810/15

Općinski načelnik

02. marta 2016. godine

Dževad Bećirević, s. r.

Objavljeno na oglasnoj ploči Općine Centar dana 2.03.2016. godine.

OPĆINA NOVI GRAD SARAJEVO

Općinsko vijeće

Na osnovu člana 7. Odluke o finansiranju nevladinih i neprofitnih udruženja koja okupljaju boračku populaciju ("Službene novine Kantona Sarajevo", broj 2/14), Predsjedavajuća Općinskog vijeća Novi Grad Sarajevo donosi

RJEŠENJE

O VERIFIKACIJI IMENA ČLANOVA KOMISIJE ZA
FINANSIRANJE PROJEKATA NEVLADINIH I
NEPROFITNIH ORGANIZACIJA KOJE OKUPLJAJU
BORAČKU POPULACIJU

- U KOMISIJU ZA FINANSIRANJE PROJEKATA NEVLADINIH I NEPROFITNIH ORGANIZACIJA KOJE OKUPLJAJU BORAČKU POPULACIJU, imenuju se:
 - Tajib Delalić - Predstavnik Općinske službe za boračka pitanja, rad, socijalna pitanja i zdravstvo
 - Emir Dedović - Predstavnik Općinske službe za finansije i zajedničke poslove
 - Mirza Selimbegović - Predstavnik Komisije za budžet Općinskog vijeća
 - Esad Hećo - Predstavnik Komisije za boračka pitanja Općinskog vijeća
 - Jasmin Smječanin - Predstavnik Komisije za boračka pitanja Općinskog vijeća
 - Bajro Čerkez - Predstavnik Komisije za obilježavanje značajnih događaja i ličnosti Općinskog vijeća
 - Nasuf Grebović - Predstavnik Koordinacionog odbora boračkih udruženja
- Komisija ima zadatak da zaprimi prijave na javni oglas, otvori prijave utvrdi formalno pravnu ispravnost prijave, izvrši odabir projekata koja su udruženja prijavila na javnom oglasu i odredi visinu sredstava za svako udruženje pojedinačno po odobrenim projektima.

- Ovo rješenje stupa na snagu danom donošenja, a objavit će se u "Službenim novinama Kantona Sarajevo" i Oglasnoj tabli Općine.

Broj 01-02-5841/16

Predsjedavajuća

26. februara 2016. godine

Općinskog vijeća

Sarajevo

Edina Gabela, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst), Općinski načelnik, dana 04.03.2016. godine, verificovao je i donio

ODLUKU

O KOREKCIJI IZMJENA I DOPUNA REGULACIONOG
PLANA "OTOKA - MEANDAR"

Član 1.

Utvrđuje se Korekcija Izmjena i dopuna Regulacionog plana "Otoka - Meandar" ("Službene novine Kantona Sarajevo", broj 26/08), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za izgradnju stambeno-poslovnog kompleksa, na lokalitetu označenom kao k.č. 17/10, 3306/8, 1265/1, 1275/1, 1279/2, 1280/2, 1280/5, 1278/3, 1264/2 i 1276/5, K.O. Novo Sarajevo III, i izmjenu saobraćajnog rješenja, prema sljedećim urbanističko-tehničkim uslovima, odnosno na način:

- Planirani stambeno-poslovni kompleks predstavlja jednu urbanističko - arhitektonsku cjelinu sa zajedničkom podzemnom garažom i 3 nadzemna gabarita (oznake na grafičkim priložima - A, B i C), za koju je potrebno izraditi jedinstvenu projektnu dokumentaciju.

- Regulaciona linija građevinske parcele i maksimalne građevinske linije objekata definisane su u grafičkim prilogima br. 2 i br. 4.
- Spratnost objekata se kreće od P+5 do P+7.
- Potrebno je obezbijediti parking prostor u podzemnim etažama planiranog objekta sa minimalnim brojem 1 stan - 1 parking mjesto i određenim brojem parking mjesta za potrebe poslovnog dijela objekta. Podzemne etaže se mogu formirati u više nivoa.
- Ovom Korekcijom Plana određenje položaj ulaza i izlaza iz garaže planiranih objekta na parceli, kao i kolski pristupi, kako je prikazano u grafičkim prilogima br. 3 i br. 4.
- Uslov za realizaciju predmetne izgradnje je realizacija saobraćajnog rješenja koje podrazumijeva vezu sa VII transversalom i izgradnju mosta na istoj.

Član 3.

Planirana izgradnja mora biti u skladu sa članom 7. Odluke o provođenju Plana" ("Službene novine Kantona Sarajevo", broj 26/08), obzirom da se predmetna lokacija nalazi na aktivnom klizištu.

Član 4.

Korekcija Plana sastoji se iz tekstualnog dijela i grafičkih priloga sa prikazanom građevinskom parcelom i građevinskim linijama planiranih objekata.

Tekstualni dio i grafički prilozi Korekcije Plana su sastavni dio Regulacionog plana "Otoka - Meandar" ("Službene novine Kantona Sarajevo", broj 26/08).

Član 5.

Korekcija Plana je radena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Otoka - Meandar", te da pribavi saglasnost nadležnih javnih komunalnih preduzeća.

Član 6.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 7.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-05-9798/15-1
04. marta 2016. godine

Općinski načelnik
Mr. **Semir Efendić**, s. r.

